



Pwyllgor Deddfwriaeth Rhif.3  
Legislation Committee No.3

Dyddiad 29 Mawrth 2010

Annwyl Syr/Madam

### **Ymgynghori ar Fesur Arfaethedig *Iechyd Meddwl (Cymru)*.**

Fel rhan o ystyriaethau Cam 1, mae Pwyllgor deddfwriaeth Rhif 3 yn galw am dystiolaeth mewn perthynas ag egwyddorion cyffredinol [y Mesur Arfaethedig Iechyd Meddwl \(Cymru\)](#).

#### **[Beth yw Mesur?](#)**

Darn o ddeddfwriaeth a wneir gan y Cynulliad yw Mesur. Mae iddo effaith debyg i Ddeddf Seneddol. Gall y Cynulliad basio Mesurau ar unrhyw 'fater' a restrir yn [Atodlen 5](#) i Ddeddf 2006 . Mae'r Mesur Arfaethedig Iechyd Meddwl (Cymru) yn defnyddio materion yn ymwneud â meysydd Iechyd a Gwasanaethau Iechyd, a Lles Cymdeithasol.

Tra bod Mesur yn mynd drwy'r Cynulliad, fe'i elwir yn 'Fesur arfaethedig'.

Mae pedwar cyfnod yn y broses o ystyried Mesur arfaethedig. Yn ystod Cyfnod 1, mae'r pwyllgor yn ystyried egwyddorion cyffredinol y Mesur arfaethedig (gan gymryd tystiolaeth ysgrifenedig a thystiolaeth lafar gan rai sydd â diddordeb a rhanddeiliaid) ac mae'r Cynulliad yn cytuno ar yr egwyddorion cyffredinol hynny.

Bae Caerdydd  
Caerdydd  
CF99 1NA

Cardiff Bay  
Cardiff  
CF99 1NA

Ffôn / Tel: 029 2089 8019  
E-bost / Email: [ruth.hatton@wales.gsi.gov.uk](mailto:ruth.hatton@wales.gsi.gov.uk)



## Beth mae'r Mesur arfaethedig am ei gyflawni?

Yn ôl y Memorandwm Esboniadol sy'n gysylltiedig â'r Mesur arfaethedig:

“Mae'r Mesur arfaethedig yn rhoi dyletswyddau ar Fyrddau Iechyd Lleol ac awdurdodau lleol yng Nghymru mewn perthynas ag asesu iechyd meddwl a thrin anhwylder meddwl. Mae hefyd yn gwneud darpariaeth mewn perthynas ag eiriolaeth iechyd meddwl annibynnol ar gyfer cleifion cymwys. Y personau hynny yw'r rhai sy'n ddarostyngedig i bwerau gorfodaeth Deddf Iechyd Meddwl 1983, a phersonau sy'n cael eu trin mewn ysbyty (oherwydd eu bod yn dioddef o anhwylder meddwl).

Caiff yr effaith arfaethedig ei chyflawni drwy bum amcan polisi'r Mesur arfaethedig:

- asesu iechyd meddwl unigolyn a, lle bo hynny'n briodol, trin anhwylder meddwl unigolyn o fewn gofal sylfaenol, drwy sefydlu dyletswydd i Fyrddau Iechyd Lleol ac awdurdodau lleol ddarparu gwasanaethau cymorth iechyd meddwl sylfaenol ledled Cymru;
- cyflwyno gofynion statudol mewn perthynas â chynllunio gofal a thriniaeth a chydlynu gofal o fewn gwasanaethau iechyd meddwl eilaidd;
- ei gwneud yn ofynnol i bob gwasanaethau iechyd meddwl eilaidd fod â threfniadau i sicrhau bod cyn-ddefnyddwyr gwasanaethau yn medru cael asesiadau mewn da bryd;

Bae Caerdydd  
Caerdydd  
CF99 1NA

Cardiff Bay  
Cardiff  
CF99 1NA

Ffôn / Tel: 029 2089 8019  
E-bost / Email: [ruth.hatton@wales.gsi.gov.uk](mailto:ruth.hatton@wales.gsi.gov.uk)



- ehangu'r grŵp 'cleifion cymwys' o dan Ddeddf Iechyd Meddwl 1983 sydd â hawl i gael cymorth gan Eiriolydd Iechyd Meddwl Annibynnol (IMHA), fel bod modd i bob claf sy'n ddarostyngedig i bwerau ffurfiol y Ddeddf gael cymorth IMHA lle bo angen;
- galluogi pob claf sy'n cael gofal a thriniaeth ar gyfer anhwylder meddwl mewn ysbyty i gael mynediad at IMHA arbenigol a phroffesiynol."

### **Beth yw rôl y Pwyllgor?**

Rôl Pwyllgor Deddfwriaeth Rhif 3 yw ystyried egwyddorion cyffredinol y Mesur arfaethedig a chyflwyno adroddiad arnynt. Wrth wneud hyn, mae'r Pwyllgor wedi cytuno i weithio o fewn y fframwaith a ganlyn:

Ystyried:

- i) a oes angen Mesur arfaethedig i gyflawni'r amcanion a ganlyn:
  - darparu gwasanaethau iechyd meddwl sylfaenol lleol yn gynt i unigolion sydd â phroblemau iechyd meddwl er mwyn lleihau'r risg o ddirywiad pellach yn eu hiechyd meddwl ac, mewn rhai achosion, lleihau'r angen iddynt gael eu trin yn yr ysbyty a'u cadw yn yr ysbyty'n orfodol;

Bae Caerdydd  
Caerdydd  
CF99 1NA

Cardiff Bay  
Cardiff  
CF99 1NA

Ffôn / Tel: 029 2089 8019  
E-bost / Email: [ruth.hatton@wales.gsi.gov.uk](mailto:ruth.hatton@wales.gsi.gov.uk)



- sicrhau bod pawb sy'n defnyddio gwasanaethau iechyd meddwl eilaidd yng Nghymru yn cael cydgysylltydd gofal penodol ac yn cael cynllun gofal a thriniaeth, a bod gan bobl sydd wedi cael eu rhyddhau o wasanaethau iechyd meddwl eilaidd fynediad i'r gwasanaethau hynny pan fyddant yn credu bod eu hiechyd meddwl yn dirywio;
  - ymestyn darpariaeth o wasanaethau eirioli iechyd meddwl y tu hwnt i'r hyn sy'n ofynnol ar hyn o bryd.
- ii) a yw'r Mesur arfaethedig yn cyflawni'r amcanion hyn;
- iii) y darpariaethau allweddol sydd wedi'u gosod allan yn y Mesur arfaethedig ac a ydynt yn addas ar gyfer cyflawni'r amcanion;
- iv) y rhwystrau posibl i'r broses o roi'r darpariaethau allweddol ar waith ac a yw'r Mesur arfaethedig yn ystyried y rhain;
- v) barn rhanddeiliaid a fydd yn gorfod gweithio'n unol â'r trefniadau newydd.

### **Sut y gallwch chi helpu – cwestiynau'r ymgynghoriad**

Mae manylion y Mesur arfaethedig a'r Memorandwm Esboniadol cysylltiedig i'w gweld ar wefan y Cynulliad Cenedlaethol:

<http://www.cynulliadcymru.org/bus-home/bus-legislation/bus-leg-measures/business-legislation-measures-mhs-2.htm>

Bae Caerdydd  
Caerdydd  
CF99 1NA

Cardiff Bay  
Cardiff  
CF99 1NA

Ffôn / Tel: 029 2089 8019  
E-bost / Email: [ruth.hatton@wales.gsi.gov.uk](mailto:ruth.hatton@wales.gsi.gov.uk)



Hoffai'r Pwyllgor eich gwahodd i gyflwyno tystiolaeth ysgrifenedig i gynorthwyo â'r gwaith o graffu ar y Mesur arfaethedig. Yn benodol byddem yn croesawu'ch sylwadau ar y cwestiynau a restrir yn **Atodiad 1**.

Os hoffech gyflwyno tystiolaeth, a fydddech cystal ag anfon copi electronig at [legislationoffice@wales.gsi.gov.uk](mailto:legislationoffice@wales.gsi.gov.uk) gan roi'r teitl *Ymgynghoriad – y Mesur Arfaethedig Iechyd Meddwl (Cymru)*.

Neu, ysgrifennwch at:

Ruth Hatton, Dirprwy Glerc y Pwyllgor, y Swyddfa Ddeddfwriaeth, Cynulliad Cenedlaethol Cymru, Bae Caerdydd, CF99 1NA.

**Dylech anfon tystiolaeth erbyn 14 Mai 2010.** Mae'n bosibl na fydd modd ystyried ymatebion a ddaw i law ar ôl y dyddiad hwn.

Cewch ragor o wybodaeth am y broses ddeddfwriaethol yn:

<http://www.cynulliadcymru.org/bus-home/bus-legislation/bus-legislation-guidance/bus-legislation-guidance-measures.htm>

Wrth baratoi'ch ymateb, cofiwch y pwyntiau a ganlyn:

- dylai'ch sylwadau fynd i'r afael â'r materion sydd gerbron y Pwyllgor. Defnyddiwch y pennawd uchod fel cyfeirnod i'ch sylwadau;
- bydd y Cynulliad Cenedlaethol fel arfer yn sicrhau bod ymatebion I ymgynghoriad cyhoeddus ar gael i'r cyhoedd graffu arnynt ac mae'n

Bae Caerdydd  
Caerdydd  
CF99 1NA

Cardiff Bay  
Cardiff  
CF99 1NA

Ffôn / Tel: 029 2089 8019  
E-bost / Email: [ruth.hatton@wales.gsi.gov.uk](mailto:ruth.hatton@wales.gsi.gov.uk)



bosibl y bydd Aelodau'r Cynulliad yn eu gweld ac yn eu trafod yn ystod cyfarfodydd pwyllgor hefyd. **Os nad ydych am i ni gyhoeddi eich ymateb neu'ch enw, mae'n bwysig eich bod yn nodi hynny'n glir wrth gyflwyno'ch tystiolaeth;**

- nodwch a ydych yn ymateb ar ran sefydliad, neu fel unigolyn. Os ydych yn ymateb ar ran sefydliad, rhowch ddisgrifiad byr o rôl y sefydliad hwnnw.

Mae'r Pwyllgor yn croesawu cyfraniadau yn Gymraeg ac yn Saesneg a byddwn yn ystyried ymatebion i'r ymgynghoriad ysgrifenedig yn ystod tymor yr haf.

Os oes gennych unrhyw ymholiadau, ffoniwch Carys Jones, Clerc y Pwyllgor, ar 029 2089 8598 neu Ruth Hatton, y Dirprwy Clerc ar 029 2089 8019.

Yn gywir

**Dai Lloyd AC**  
**Cadeirydd y Pwyllgor**

Bae Caerdydd  
Caerdydd  
CF99 1NA  
Cardiff Bay  
Cardiff  
CF99 1NA

Ffôn / Tel: 029 2089 8019  
E-bost / Email: [ruth.hatton@wales.gsi.gov.uk](mailto:ruth.hatton@wales.gsi.gov.uk)





## Atodiad 1

### Y Mesur arfaethedig Iechyd Meddwl (Cymru)

#### Cwestiynau'r ymgynghoriad

1. A oes angen Mesur arfaethedig i gyflawni'r amcanion penodol a ganlyn:

a) darparu gwasanaethau iechyd meddwl sylfaenol lleol yn gynt i unigolion sydd â phroblemau iechyd meddwl er mwyn lleihau'r risg o ddirywiad pellach yn eu hiechyd meddwl ac, mewn rhai achosion, lleihau'r angen iddynt gael eu trin yn yr ysbyty a'u cadw yn yr ysbyty'n orfodol;

b) sicrhau bod pawb sy'n defnyddio gwasanaethau iechyd meddwl eilaidd yng Nghymru yn cael cydgysylltydd gofal penodol ac yn cael cynllun gofal a thriniaeth, a bod gan bobl sydd wedi cael eu rhyddhau o wasanaethau iechyd meddwl eilaidd fynediad i'r gwasanaethau hynny pan fyddant yn credu bod eu hiechyd meddwl yn dirywio;

c) ymestyn darpariaeth o wasanaethau eirioli iechyd meddwl y tu hwnt i'r hyn sy'n ofynnol ar hyn o bryd?

2. Sut fydd y Mesur arfaethedig yn newid y trefniadau presennol, a beth fydd effaith y newidiadau hynny?

Bae Caerdydd  
Caerdydd  
CF99 1NA

Cardiff Bay  
Cardiff  
CF99 1NA

Ffôn / Tel: 029 2089 8019  
E-bost / Email: [ruth.hatton@wales.gsi.gov.uk](mailto:ruth.hatton@wales.gsi.gov.uk)



3. A yw adrannau'r Mesur arfaethedig yn briodol o ran cyflawni'r amcanion a nodir?

Wrth ystyried y cwestiwn hwn, mae'n bosibl y byddwch am ystyried natur rhai darpariaethau yn y Mesur arfaethedig sy'n:

- a) sicrhau bod gwasanaethau gofal iechyd meddwl sylfaenol yn cael eu darparu ledled Cymru gan fyrddau iechyd lleol ac awdurdodau lleol, drwy weithio mewn partneriaeth (rhan 1, adrannau 1-10);
- b) sicrhau bod cynllun gofal a thriniaeth ar gael i unigolion sy'n cael gofal iechyd meddwl eilaidd (rhan 2, adrannau 11-17 );
- c) sicrhau bod gan cyn-ddefnyddwyr y gwasanaeth hawl i gael asesiad gan ddarparwyr gwasanaethau iechyd meddwl eilaidd dan amgylchiadau arbennig (rhan 3, adrannau 18-28);
- d) sicrhau bod cynlluniau Eiriolaeth Iechyd Meddwl Annibynnol ar gael i gleifion sy'n ddarostyngiedig i bwerau gorfodol Deddf Iechyd Meddwl 1983, a 'chleifion anffurfiol' (rhan 4, adrannau 29-37).

4. A oes rhwystrau posibl i roi darpariaethau'r Mesur arfaethedig ar waith (ac os oes, beth ydynt) ac a yw'r Mesur arfaethedig yn ystyried y rhain?

Bae Caerdydd  
Caerdydd  
CF99 1NA

Cardiff Bay  
Cardiff  
CF99 1NA

Ffôn / Tel: 029 2089 8019  
E-bost / Email: [ruth.hatton@wales.gsi.gov.uk](mailto:ruth.hatton@wales.gsi.gov.uk)



5. A oes gan y Mesur arfaethedig oblygiadau ariannol i'ch sefydliad, ac os oes, beth ydynt? Wrth ateb y cwestiwn hwn, mae'n bosibl y byddwch am ystyried Rhan 2 o'r Memorandwm Esboniadol (yr Asesiad Effaith Rheoleiddiol), sy'n amcangyfrif cost a budd rhoi'r Mesur arfaethedig ar waith.
  
6. A oes gennych unrhyw sylwadau eraill ar adrannau penodol o'r Mesur arfaethedig?